

楚

寶

楚寶卷四十

明 梁谿高世泰、旃父鑒定

湘潭後學周聖楷輯纂

同邑夏 楷較訂

名祀

南嶽衡山神

南嶽衡山者五嶽之一也。其來尚矣。至於軒轅。乃以
濤霍之山爲其副焉。故爾雅云。霍山爲南嶽。至漢武
南巡。又以衡山爲遠道。隔江漢。於是徙南嶽之祭於

廬江灣山此亦承軒轅副義也。湘中記云：上承冥宿，銓德均物，故名衡山下。踞離宮，攝位火鄉，故號南嶽。赤帝館其嶺，祝融宅其陽，威神堂堂，蔭映我我。是以宅藪神靈，室宇仙羅，而南方之山，衡獨爲宗也。

洪武三年

太祖高皇帝命祀南嶽，文曰：衡之爲嶽，磅礴中國之南，叅穹靈秀，形勢巍然。古帝王若天時察地利，以安生民，故祀之於嶽，則誠於禮，則安。自唐始加封號，歷代相因。曩者元君失馭，海內鼎沸，生民塗炭。

余起布衣承

上天。后土之命。百神陰祐。削平暴亂。正位稱尊。奉
天地。享鬼神。統一人民。法當式古今。寰宇旣清。特修
祀儀。因神有歷代之封號。詳之再三。畏不敢效。蓋
神與穹壤同始。靈鎮南方。不知歲月幾何。神之所
以靈。人莫能測。必受命于
上天。后土爲人君者。何敢預焉。余懼不敢加號。特以
南嶽衡山名。其名依時祀神。惟神鑒之。
杜甫望嶽詩曰。南嶽配朱鳥。秩禮自百王。歛吸領

地靈瀕洞半炎方。邦家用祀典在德非馨香。巡狩
何寂寥。有虞今則亾。泊吾隘世綱。行遊越瀟湘。湯
日絕壁出漾舟。清光傍祝融。五峯尊峯峰。次低昂。
紫蓋獨不朝。爭長紫相望。恭聞魏夫人。羣仙夾翊
翔。有時五峯氣。散風如飛霜。牽迫恨修途。求暇杖
崇岡。邇來覲命駕。沐浴休玉堂。三歎問府丞。曷以
贊我臯。牲璧忍衰俗。神具思降祥。

韓愈謁衡嶽廟遂宿嶽寺曰五嶽祭秩皆三公。四
方環鎮雋當。中火維地荒。足妖怪。天假神柄專其

雄噴雲泄霧藏丰茂雖有絕頂誰能窺我來正逢
秋雨節陰氣晦昧無清風潛心默禱若有應豈非
正直能感通須臾靜掃衆峯出仰見突兀撐青空
紫蓋連延接天柱石廩騰擲堆祝融森然魄動下
馬拜松栢一逕趨靈宮粉牆丹桂動光彩鬼物圖
畫瑣青紅升階偃僂薦脯酒欲以菲薄明其襄廟
令老人識神意睢盱偵伺能鞠躬手持杯琖導我
擲云此最吉餘難同竄逐蠻荒幸不死衣食纔足
甘長終侯王將相望久絕神縱欲福難爲功夜投

佛、寺、上、高、閣、星、月、掄、映、雲、腫、隴、猿、鳴、鼓、動、不、知、曙、
杲、杲、寒、日、生、于、東、

太嶽武當山神

太嶽武當山者在均州南一百二十里山初不以岳名永樂十六年十二月勅修武當山宮觀成始特賜名曰太岳太和之山又卽夫柱峰頂冶銅爲殿飭以黃金範真武像於中選道士二百人供洒掃給田二百七十七頃併耕戶以贍之每宮設提點一人秩正六品

永樂十六年

成祖文皇帝御製太岳太和山碑文曰蓋開大而無

迹之謂聖妙不可測之謂神是故行乎天地統乎陰陽出有入無恍惚翕張驟目馭月鼓風駕霆倏而爲雨忽而爲雲禦災捍患驅沴致祥調運四時橐籥萬彙陶鑄羣品以成化工者若北極之神是已神本天一之化生而神靈聰以知達明以察微潛心會道志契太虛茲山舊名太和謂非玄武不足以當之故名曰武當蟠踞八百餘里列七十二峯三十六巖之奇峭二十四澗之幽邃峯之最高曰天柱境之最勝曰紫霄南巖上出遊氛下臨絕

整跨洞天之清虛。陸福地之深昏。紫霄南巖皆有
宮。又自南巖北下三十里有五龍宮。又四十里祇
山趾有真慶宮。元末悉燬于兵。燹荆榛瓦礫廢而
不舉。天啟我國家。

皇考太祖高皇帝以一旅定天下。神陰翊顯。佑靈明。
赫奕肆朕起義兵。靖內難。神輔相左右。風行霆擊。
其蹟甚著。暨卽位之初。茂錫景貺。益加炫耀。嘉生
駢臻。灼有異徵。朕夙夜祇念。罔以報神之休。肅命
臣工。卽五龍之東。數十里建玉虛宮。天柱之嶺。冶

銅爲殿，飾以金泥，範神之像，享祀無極。上以殿薦皇考妣在天之靈，下以爲海內臣庶廷休祉也。已。公安袁小修遊太和記曰：遊侶問玄帝所自出，余曰：黃帝之子昌意娶蜀山之女生高陽氏，居弱水之鄉，陶七河之津，是爲玄帝也。役御百神，召至雷電，乘結元之車，周旋八外，諸有洞壑之山，陰宮之丘，背移安息之石，封而填之。鱗羽山銅爲寶鼎，以獻于神峰。大約與黃帝鑄鼎首山事同。陶貞白與楊許諸仙往來，親得共說而紀之，尚有可信。若夫

淨樂國王之說。但甚。無足存者。自古山澤之癩。冲
舉者多。惟帝王絕少。而黃帝祖孫皆耕成。乘雲。隨
手碧落。似別有家學。脉絡。彼秦皇漢武。不得其術。
而以腐骨望神山。以淫胎飲浩露。宜乎疎天親地。
究。魁。玄。壤。也。今黃帝之跡。相望。而玄帝隱于育說。
悠悠。無知者。余故脩爲。拈出。

太昊帝伏羲

伏羲廟在景陵縣東北七十里五華山上晉習鑿齒云昔伏羲葬于南羆此固其冠劍佩舄之鄉也志云縣本古風國其後裔封此因而祀之者非

胡寅伏羲廟記曰古祭法之義有報而無祈非仁與知孰能與於此哉德莫盛于五帝而庖羲爲首蓋三千餘歲于茲矣景陵祀未詳肇始考聖德之所建萬世衣被則有民者亦何可不祀耶昔司馬遷作本紀列黃帝顓辛堯舜五人焉其言曰孔

子所告率子儒者或不傳及春秋國語發明五帝
德繫姓章矣書缺有間乃時時見于他說善乎人
之論曰判古者之昏常折衷于仲尼繫易歷叙制
器致用兼濟生民者獨稱義農黃帝堯舜氏蓋以
爲五帝也而韻辛無間焉太史公所載特形容之
虛語爾烏得與義農比哉豈遷有見于尚書之斷
自唐堯而無見于易之首稱庖義歟故凡人論道
議事一折衷于仲尼則無失者置仲尼而取史籍
所載及他說爲據未有能臻其當也然則論義爲

帝首養祖諸仲尼耳謹按庖羲風姓生于成紀母
曰華胥推木德繼天而王號曰太昊都于宛丘河
中龍馬負圖帝乃則之畫八卦分三才通神明之
德類萬物之情以著開物成務之道龜爲卜著爲
筮時當洪荒人民睢于禽獸同居未知倫理養生
帝始推擇聖賢可共代天工者得金提鳥明視默
紀通仲起陽候以爲輔佐始有書契代結繩之政
建官分職以龍紀昭布天下統民治事始教民稼
穡用儼皮爲禮始教民作網罟佃漁養馬牛羊豕

狗鷄充庖，薦神祇在位，百有十年，羣生和洽，各安其性。民到于今，蒙賴日用之實，非虛語也。可謂盛德矣哉！是空載之祀典，昭其報于岡極矣。嗚呼！漢唐而後，道術不明，異端並作，學士大夫昧于鬼神之情狀，凡狀敗倫，理耗教斯。人下俚，滯祠巫祝，所託以竊衣食者，則相與推尊，祇奉徽冀，福利至于古先聖帝明王有功有德，仁人義士扶世道，民不可忘也。則湮沒而莫之承，或文具而莫致其享。繩邑長吏政教不善，咸傷和氣。一有水旱蟲火之

災○顧○汲○汲○然○旅○緇○旅○黃○鞶○謁○拜○跪○謁○諸○僞○像○適○會
災○變○自○止○因○卽○以○爲○土○木○之○賜○禳○禱○之○效○日○滋○日
迷○正○理○大○壞○復○州○焦○侯○惟○正○秉○心○純○摠○民○惠○在○羈
三○歲○人○和○年○豐○會○紹○興○十○二○年○合○宮○赦○令○詔○長○史
修○繕○境○內○祠○廟○侯○曰○莫○先○于○庖○養○氏○矣○鳩○工○闡○事
肅○給○告○成○有○尊○報○之○誠○心○饜○希○望○之○誦○意○熙○幾○於
知○古○道○憫○俗○失○良○二○千○石○也○乃○推○明○帝○德○之○本○列
號○之○正○經○史○之○是○非○使○刻○之○堅○珉○以○示○來○者

炎帝神農

炎帝陵在衡州邵縣康樂鄉宋乾德中建廟以祝融配享置守陵戶國朝洪武四年洪熙元年俱遣官奠祀修陵荆州記又稱神農生于隨州厲鄉今隨州亦有炎帝廟

曾鶴齡神農陵記曰神農氏始教民稼穡交易蜡祭醫藥開萬世衣食相生相養之原凡後世有天下者皆祀之而新卽位者則告焉示不忘本也今上卽位遣臣賚香幣祝詞求其陵行祝告之禮而

陵在衡州之鄧縣鄧縣故深僻若獠洞然自衡舍
舟陸行越峻峽涉深壑五宿始至又三宿始將事
事皆如儀奠獻有虔用稱上所以親遣之意既
畢事始若釋重負然猶不敢慢忽遂躡步山麓見
有石壁高三尋許廣半之正而直立咸指爲塚
門又上少許有古杉二株一葉一枯其大數十圍
高不可計根節如鐵石或以爲異人所種莫敢剪
伐杉下有壇壇下有蠟蓋舊有之後漸更置或能
言更置之繇而未詳也至問陵之所始訖莫能對

退就館取縣志觀之亦落莫不載以問鄗諸生有
進而前者對曰聞諸長老言宋太祖求帝王之應
祀者獨神農氏陵不可得一夕夢神人載一笠持
兩火訴不血食覺而問羣臣皆曰茲非炎帝乎火
位南方空往南求焉遂遣使者至長沙衡山之境
求不獲將歸遇二老人引而指示之曰是炎帝塚
也忽不見使者還報卽遣祀之遂成故典噫斯亦
近于誣也雖然殷高宗夢得傳說遂舉爲良弼孔
子夢見周公卒明其道以教萬世繇是以觀則宋

太祖之事亦精神所感有然也。不可以弗信。矧炎帝之德澤萬世亦被其神在天無所求而不獲。今苟循其故典務盡誠以享焉。有不洋洋昭格者乎。余故存其說以告後之來祀者。第宜盡誠焉爾。陵之是否置弗辨可也。

虞帝舜

帝舜陵在道州寧遠縣九疑山秦皇漢武皆望祀焉
宋時禁樵採置守陵五戶國朝重建廟于簫韶峰
下

蔡邕九疑山碑文曰巖巖九疑峻極于天觸石磨
合興播建雲時風嘉雨浸潤于民苾苾南土實賴
厥勛逮于虞舜聖德光明克諧頑傲以孝蒸蒸師
錫帝世堯而授微受終文祖璇璣是承太階以平
人以有終遂塋九疑解體而升登此崔嵬託靈神

仙。

唐呂溫論瀋舜廟狀曰。右臣謹按地圖。舜陵在九嶷之山。舜廟在太陽之溪。舜陵古老已失。太陽溪今不知處。秦漢以來。置廟山下。年代寢遠。祠宇不存。每有詔書。令州縣致祭。奠酌荒野。恭命而已。豈有盛德大業。百王師表。沒投荒裔。陵廟皆無。臣謹遵舊制於州西山上。已立廟。訖特望天恩。許蠲免。近廟三五家。令歲時掃灑。以爲恒式。豈獨表聖德。及于萬代。寔欲彰陛下玄澤。被于無窮。謹錄奏聞。

黃陵湘妃

黃陵廟在長沙湘陰縣北四十里古昔所創以祀虞舜二妃國朝因之每歲六月十四日致祭墓在君山

史記曰秦始皇二十八年乃西南渡淮水之衡山南。羆浮江至湘山祠。逢大風。幾不得渡。上問博士曰。湘君何神。博士對曰。聞之。堯女舜之妻。而葬此。於是始皇大怒。使刑徒三千人。皆伐湘山楸。赭其山上。自南羆。繇武關。罇。

韓愈黃陵廟碑曰湘旁有廟曰黃陵自前古以祠
堯之二女舜二妃者庭有石碑断裂分散在地其
文剝缺攷圖記言漢荊州牧劉表景升之立題曰
湘夫人碑今驗其文乃晉太康九年又其額曰虞
帝二妃之碑非景升立者秦博士對始皇帝云湘
君者堯之二女舜妃者也劉向鄭玄亦皆以二妃
爲湘君而離騷九歌既有湘君又有湘夫人王逸
之解以爲湘君者自其水神而謂湘夫人乃二妃
也從舜南征三苗不及道死沅湘之間山海經曰

洞庭之山帝之二女居之郭璞疑二女者帝舜之
后不當降小水爲其夫人因以二女爲天帝之女
以余攷之璞與王逸俱失也堯之長女娥皇爲舜
正妃故曰君其二女女英自空降曰夫人也故九
誥辭謂娥皇爲君謂女英帝子各以其盛者推言
之也禮有小君君母明其正自得稱君也書曰舜
陟方乃死傳謂舜昇道南方以死或又曰舜死葬
蒼梧二妃從之不及溺死沅湘之間余謂竹書紀
年帝王之沒皆曰陟陟昇也謂昇天也書曰殷禮

陟配天言以道終其德協天也書紀舜之沒云陟
者與竹書周書同文也其下言方乃死者所以釋
陟爲苑也地之勢東南下如言舜南巡而苑空言
下方不得言陟方也以此謂舜苑葬蒼梧於時二
妃從之不及而溺者皆不可信二妃旣曰以謀誣
舜脫舜之厄成舜之聖堯苑而舜有天下爲天子
二妃之力空嘗爲神食民之祭今之渡湖江者莫
敢不進禮廟下元和十四年春余以言事得罪黜
爲潮州刺史其地于漢實南海之揭陽厲毒所聚

懼不得脫死過廟而禱之其冬移袁州刺史明年
九月拜國子祭酒使以私錢十萬抵岳州願易廟
之圯楠腐瓦於刺史王堪長慶元年刺史張愉自
京師往與愉故善謂曰丐我一碑石載二妃廟事
且令後世知有子名愉曰諾既至州報曰碑謹具
遂篆其事俾刻之

又祭湘君湘夫人文曰維元和十五年歲次庚子
十月某日朝散大夫守國子祭酒護軍賜紫金魚
袋韓愈謹使前袁州軍事判官張得一以清酌之

奠敢昭告于湘君湘夫人二妃之神前歲之春愈以罪犯黜守潮州懼以譴死且虞海山之波霧瘴毒爲災以隕其命舟次祠下是用有禱于神神享其衷賜以吉卜曰如汝志蒙神之福啟帝之心去潮卽袁今又獲位于朝復其章綬退思往昔竇發夢寐凡三年於今乃舍夙夜怵惕敢忘神之大庇伏以祠宇毀頽憑附之質丹青之飾暗昧不圭不稱靈明外無四垣堂陞頽落牛韋入室居民行商不來祭享輒敢以私錢十萬修而作之舊碑斷折

其半什他文字缺殘幾不可讀謹修而櫛之廟成
之後將求玉石仍刻舊文因銘其陰以大振顯君
夫人之威神以報靈德俾民承事萬世不怠惟神
其鑒之

聖楷曰湘君湘夫人始見于屈原九歌再見于秦
博士之對其神可謂昭明不爽者矣韓退之身蒙
其福爲之詳辨稱謂亦似有據然蒼梧淚竹之蹟
傳之沅湘甚久既有其神不可謂無其事也諸家
載記自不必泥

大禹

大禹廟在漢陽大別山麓。宋紹興中，司農少卿張體仁以江漢朝宗皆禹功，建廟祀之，以益稷配。元大德八年，重建。林元有記。

杜甫禹廟詩曰：禹廟空山裏，秋風落日斜。荒庭垂橘柚，古屋畫龍蛇。雲氣生虛壁，江聲走白沙。早知乘四載，疏鑿控三巴。

楚志曰：漢陽縣北柘泉寺有大禹時植柏，故名。又云大別寺元虞伯生有詩，則元時柏尚存也。

聖○稽○按○禹○貢○云○荆○及○衡○陽○惟○荆○州○江○漢○朝○宗○于○海○
九○江○孔○殷○沱○潛○旣○道○雲○土○夢○作○又○又○云○道○嶧○冢○至○
于○荆○山○內○方○至○于○大○別○岷○山○之○陽○至○于○衡○山○過○九○
江○至○于○敷○淺○原○又○如○所○云○滄○浪○三○澗○東○陵○皆○楚○地○
據○此○則○大○禹○疏○鑿○之○功○舟○車○楫○楫○之○迹○半○在○于○楚○
明○矣○乃○無○識○者○猶○謂○玄○夷○蒼○水○之○使○爲○不○足○徵○响○
嶼○山○尖○之○碑○爲○無○從○索○是○何○異○痴○人○說○夢○也○廟○食○
于○楚○固○空○百○世○然○古○昔○登○高○作○賦○未○有○興○言○及○此○
者○惟○杜○少○陵○蜀○中○禹○廟○一○詩○可○誦○故○附○見○之○

黃牛神

黃陵廟一名黃牛廟在夷陵州西九十里黃牛峽相傳神佐禹治水廟食于此

諸葛亮黃陵廟記曰僕躬耕南陽之畝遂蒙劉氏顧草廬勢不可却計事善之於是情好日密相拉總師趨蜀道履黃牛因觀江山之勝亂石排空驚濤拍岸歛巨石于江中崔嵬噴岬列作三峯平治澤水順遵其道非神扶助于禹人力奚能致此耶僕縱步環覽乃見江左太山壁立林麓峰巒如畫

熱○視○于○大○江○重○複○石○壁○間○有○神○像○影○現○焉○鬢○髮○鬚○
鬚○冠○裳○宛○然○如○彩○畫○者○前○豎○一○旌○旗○右○駐○一○黃○犢○
猶○有○董○工○開○墓○之○勢○古○傳○所○載○黃○龍○功○禹○開○江○治○
水○九○載○而○功○成○信○不○誣○也○惜○乎○廟○貌○廢○去○使○人○太○
息○神○有○功○助○禹○開○江○不○事○鑿○斧○順○濟○舟○航○當○廟○食○
兹○土○僕○復○而○興○之○再○建○其○廟○貌○目○之○曰○黄○牛○廟○以○
顯○神○功○

楚申大夫

申大夫包胥廟。宣建于江陵。考楚志，惟承天、京山縣有之。近亦廢。按唐夫寶中詔祀申包胥于富水。穰卽今承天府而京山又富水縣地，所省入其廟祀亦非無自矣。

唐劉蛻論江陵耆老書曰：太原王生嘗移耆老書以江陵故楚也。子胥親逐其君，臣夷其墳墓，且楚人之所空怨也。而江陵反爲之廟，世享其饗，謂耆老而忘其君父也。吾以爲不然。楚人之性慄悍，世

能復其讐仇其後自懷王入武關楚人怨秦不忘
干戈况其人之性能忘胥之能破其國家而事之
乎且令江陵之人牽牛羊而祝其廟者將祈年穀
而獲凶荒禱疾病而得死亾者乎如厚其餼而虛
其報則江陵知胥之不可祠而不祠矣若果祈年
穀而得豐穰禱疾病而獲康強有其餼而彘其報
則破人之國而居其土辱人之君而受其饗遇一
食而自忘楚人之殺其父兄則胥自爲無勇也何
獨江陵之人而忘習讐乎吾以爲其廟申包胥之

廟也。包胥有復楚之功，年代寢遠，楚人以子胥嘗封諸申，故不謂包胥耳。不然，則子胥何爲享人之食而江陵何爲事警人之神乎？蒼老得書，速易其版曰：申胥之廟，無使人神皆愧耳。

三閭大夫

三閭大夫屈原廟在湘陰縣北六十里汨羅江上唐
封昭靈侯宋封忠潔侯國朝復號楚三閭大夫屈
平氏之神命有司以五月五日祭

王子年拾遺記曰楚懷王好進姦雄羣賢逃越屈
平以忠見斥隱于玩湘披蓠茹草混同禽獸不交
世務採栢實以和桂膏用養心神被王逼逐乃赴
清冷之水楚人思慕謂之水仙其神遊于天河精
靈時降湘浦楚人爲之立祠漢末猶在袁小修

曰○當○時○銷○金○鑠○骨○之○夫○化○爲○輕○塵○爲○冷○風○甚○且○爲○
揮○山○之○怪○蟒○而○屈○子○佗○僚○一○時○沒○而○賓○于○帝○所○嬉○
遊○湘○浦○作○羽○化○仙○則○忠○臣○之○利○亦○大○矣○今○當○于○君○
山○之○上○追○兩○漢○故○事○祠○屈○子○而○題○曰○水○仙○巖○取○髻○
中○之○田○爲○之○蒸○嘗○用○宋○玉○景○差○等○配○享○以○獎○忠○魂○
而○奉○千○古○詞○人○之○祖○亦○楚○中○一○大○典○也○當○事○者○何○
不○以○聞○之○且○屈○子○傲○骨○冶○才○遠○性○逸○情○具○見○騷○中○
當○必○饒○煙○雲○山○水○之○趣○者○非○此○千○頃○雲○濤○及○九○疑○
諸○山○秀○色○不○堪○爲○之○供○養○不○然○神○不○歆○也○王○子○年○

之言足爲忠魂吐氣政不當幻視之矣

宋顏延年祭屈原文曰惟有宋五年月日相州刺史吳勣張邵恭承帝命建旗舊楚訪懷沙之淵得拘佩之浦彌節羅潭艤舟汨渚乃遣戶曹掾某敬祭故楚三閭大夫屈君之靈蘭薰而摧玉纘則折物忌堅芳人諱明潔曰若先生逢晨之缺溫風息時飛霜急節羸芊遵紛昭懷不端謀折儀尚貞篋椒蘭身絕郢闕跡徧湘干比物荃蓀連類龍鸞聲溢金石志華日月如彼梅芳實穎實發望汨心歎

贈羅思越藉用可塵昭忠難闕

洞庭神

洞庭廟一名中廟在洞庭湖中浮浪際天有沙聚起十餘丈名曰龍堆其神不詳所自累封昭祐靈濟順利忠惠王或云卽郴州柳秀才毅今郴州三十里魚峰山有柳毅祠甚靈應每歲一魃輒大風雨州人以其期侯之不爽事詳唐人龍女傳

杜甫過洞庭湖詩曰鮫室圍青草龍堆隱白沙護堤盤古木迎棹舞神鴉破浪南風正回橋畏日斜湖光與天遠直欲泛仙槎

聖楷曰江漢沮漳楚之望而皆滙于洞庭雖東漢
逕大別與江合而實洞庭之奔注也故楚之水神
安流順濟其有功于人者多矣以洞庭爲宗亦
繇諸山之首南嶽矣

諸葛武侯

諸葛武侯廟在襄陽縣西南二十里伏龍山與隆中草廬相望一方咸禘祀焉然蜀漢間往往有祠杜少陵所謂久游巴子國屢入武侯祠也

襄陽記曰亮初亡所在各求爲立廟朝議以禮秩不聽百姓遂因時節私祭之於道陌上言事者或以爲可聽立廟于成都者後主不從步兵校尉習隆中書郎向充等其上表曰臣聞周人懷召伯之德甘棠爲之不伐趙王思范蠡之功鑄金以存其

像自漢興以來小善小德而圖形立廟者多矣况亮德範遐邇勲蓋季世興王室之不壞實斯人是賴而蒸嘗止于私門廟像闕而莫立使百姓巷祭戎夷野祀非所以存德念功述追在昔者也今若盡順民心則瀆而無典建之京師又偪宗廟此聖懷所以惟凝也臣愚以爲竄因近其墓立之於沔陽使所親屬以時賜祭凡其臣故吏欲奉祠者皆限至廟斷其私祀以崇正禮於是始從之

聖楷按沔陽在今漢中府沔縣

關帝

關帝祠廟遍天下皆然惟楚當陽縣西北五里古漳鄉公墓在焉宋開寶中建祠奠祭置守冢三戶國朝景泰四年復建廟塚前成化三年知縣黃恕奏請歲時祀享著爲令典

吳魏王世貞曰公自黔首起應募掃黃巾若敗葉
馘良梟德若承螭縛禁若係鼠覆七軍若淹燈其
跳盪摧拉之雄武夫人而能狀之間關萬死跡故
至於一錐莫立之地抗漢賊扶漢燼于一綫未盡

之息其孤忠亮佈夫人而能言之公之沒威靈著于遠邇卹大災捍大患與祀典膾合夫人而能頌之仰之獨公之神所以久且大者弗盡知也今夫吳相胥城陽景王至俠烈也吳興憤王至伉猛也伏臘刳醜之所趣覲巫之所揚翊世史之所載記何斑斑赫赫也然不數百年而漸以銷淪無遺孳者激生于一念之發而氣用于一時之不盡也非精誠爲之也傳不云乎至誠無息不息則久久則徵徵則悠遠悠遠則傳厚而高明以麥城之役

穆然而就冥。若無聞者垂五百年。而始爲開皇一
顯于玉泉之刹。而尙我其也。又垂五百年。而爲崇
寧。再顯于蚩尤之戰。而後著自是。而又垂五百年。
公若以一身化億兆身。而應天下。天下以億兆心。
爲一心。而趣公。其卹捍之靈。與供養之虔。畧相賞。
蓋上而后王君公。下而紅女嬰孺。近而都掖。遠而
雕結侏儻之鄉。亾能不心儀公者。公之所以久而
大則誠也。亾論其雄武。卽所謂孤忠亮節。皆誠爲
之也。誠可以貫金石。後三光終始萬物。而又何疑。

焉。又曰世稱公有曰義勇武安王者元所封也。有曰西臺朗陵馘魔上將者道家符籙所傳也。今定之曰漢前將軍漢壽亭侯廟曰將軍侯者何昭烈所命也。我

高皇帝所著令甲也。係之漢何公志也。

聖楷按萬曆四十二年

神廟特旨封公爲三界伏魔大帝神威遠鎮天尊關聖帝君自內使捧袞冕至廟中事甚顯赫以未經禮曹故不可詳。至天啓四年七月始奏定今號。

詔海內遵行於是塑像皆易冕旒而公既儼然而帝儼然而天矣王司寇又五百年而卹捍益靈供奉益虔之說不有徵乎黃梅瞿九思幽贊錄云公在前朝無特祀至我朝洪武二十七年方始建廟又云公乃火帝降生故宏顯于昭代嗟乎此書著在萬曆初年何相贈合若此信乎公之靈威不可測也題曰闕帝者亦以遵

神皇帝之令甲非敢爲佞云

岳武穆王

岳武穆廟在江夏縣東五里。楚志云：宋岳飛保護上游，有功。乾道中建廟于鄂。賜廟額忠烈。嘉定中，又追封鄂王。今承天岳州諸郡皆有廟祀。

王自中岳武穆王廟記曰：予浮九江，逾大別，循漢水而上，父老往往能道岳公事。至有垂涕者，曰：微岳公，吾屬久爲虜矣。當是時，僞齊方張，安陸以北，盡爲齊守。公引兵而來也。實始破郢，虜兵破郢，馮壘自豪公一麾之衆，皆累肩而升，殺虜卒七千九

百積其尸與大王樓相高還故民之離散余過郢
郢父老又指余言所破城處而訪公祠無之以問
太守張侯侯于郢日夜條理葺弊營新不翅如治
生業顧獨無岳公祠何耶侯曰鳩木矣余至鄴未
更月侯以書來告祠成且以記屬余岳公事世所
稱說者多不悉而余所詳知其目有八一日忠臨
敵誓衆言及國家之事仰天橫泗士皆歛歔而聽
命聞大駕所幸未嘗背其方而坐二曰虛心食客
所至座嘗滿商論古今相究詰切直無所遺忤三

日○整○兵○所○經○夜○宿○民○戶○外○民○開○門○納○之○莫○敢○先○入○
晨○起○去○草○葦○無○亂○者○四○曰○兼○一○錢○不○入○私○藏○五○曰○
公○小○善○必○賞○小○過○必○罰○待○數○千○萬○人○如○待○一○人○六○
曰○定○卒○遇○敵○不○爲○搖○動○敵○以○爲○撼○山○易○撼○岳○家○軍○
難○七○曰○選○能○背○嵬○所○向○一○皆○當○百○八○曰○不○貪○功○功○
率○推○與○人○不○自○有○是○八○者○人○鮮○一○有○而○公○兼○之○舉○
入○郢○之○師○以○臨○襄○沔○定○南○陽○無○敢○虜○其○鋒○者○其○後○
一○出○而○平○虢○畧○下○商○遂○再○出○取○許○昌○以○瞰○陳○留○夷○
人○畏○避○北○遁○中○原○百○姓○牛○酒○日○至○謂○旦○夕○天○下○可○

定不幸謀未及展事忽中變聖上嗣服首旌其功
立廟賜謚錄用其後昆之賢者賜廟號曰精忠而
江湖之民至私繪其像家奉祀之今張侯又能率
民之志使奠食于郢則忠勞之報豈不厚哉余故
歷叙其所以爲將者八俾來者有則是亦侯之心
也

青溪龍女

龍女祠在遠安縣西七十里宋賜額靈貺封贈通憲
順濟夫人

朱震崇封記曰政和四年荆門夏旱穉苗不立者
三之一穉守汶上李公遍禱羣祠不應乃遣僚屬
請雨于昭靈龍女祠下迎像汲水設壇望祝于崇
泉之上雨隨像至屬縣沾足公狀其事詔易廟號
曰靈貺是歲冬迄于明年三月不雨公再命嵩陽
請雨于靈貺如初禮祝以旱告雲霧勃興像及邑

域暴雨如注。公復請加神秩。是秋又旱。公再命禱于靈贖。如三月而雨聲不絕者。二日。公兼舉前奏。至于再。三部使從之。有詔封通惠順濟夫人。公謂震曰。清溪龍女祠舊矣。曩倅峽州。行縣至遠安。屢謁其祠。見田旱者。予默禱之。輒應。因遣吏迎水膏澤沛然。乃欲抗章請封。是時神像服絳袍高冠劍佩如王者。一日僧清皞自言兩夢。女子靚裝飛服跪于丈室前。旣覺猶記其目光如日。清皞持戒嚴不妄語。予遂以龍女請焉。比昭靈廟之初。褒也。詔

既下寺以綵爲詔樓且鏡鼓奉引寓棲于州之東
山寺僧元皎復夢女子徘徊于樓下俄而風雷至
有物飛去鱗鬣可指數於是州人以清皞之夢爲
誠然而盡易舊像矣予其爲辭以記之震拱乎起
唯踰月而未及書他日公又謂震曰荆門自是或
雨暘愆期禱祠莫聽彼神龍之宅不可以不祠予
所以供獻粢盛制幣者蓋將起來者祈禱之聽也
震始廓然而悟曰李侯愛民之心至矣故越疆而
祝折躬而請雖得于俸園身案之際有可以從民

之○欲○者○無○不○爲○也○無○不○至○也○是○以○事○和○而○民○悅○氣○
和○而○雨○降○可○不○書○之○使○吾○侯○之○心○昭○然○白○于○後○世○
乎○

聖○楷○按○內○典○天○及○龍○皆○能○降○雨○矣○爾○細○龍○雨○應○龍○
兩○隨○意○所○念○故○又○言○一○切○大○海○水○皆○從○龍○王○心○願○
所○起○今○之○祈○甘○澤○者○不○之○龍○王○而○之○他○神○牲○璧○雖○
虔○是○爲○乞○鄰○之○請○其○可○必○乎○龍○神○祠○凡○羈○邑○皆○有○
于○特○舉○靈○祝○之○顯○應○以○勅○夫○高○冠○而○劍○佩○者○毋○然○
悴○斯○民○也○

楚寶列僊論次

司馬僊作老子傳首述老子之言既曰其人與骨皆已朽矣又曰老子二百餘歲修道而養壽又曰孔子死之後百二十九年周太史儋卽老子也既曰著書五千言而去莫知其所終又曰其子若孫累世顯仕因家於齊何其語支離而意沈洋也蓋子長親見秦漢以來方士神僊之言俱祖老子而不能自決於衷故其封禪志雖譏武帝而蓬萊宮闕之幻神君室帷之秘每一描畫不勝褰裳濡足之思焉若夫班固劉

欽叙道家爲諸子又列神僊於方伎其意皆不能無
溺且其叙房中卽西鄰素女之術也叙經方卽玉液
雲英之法也由此而張道陵上驅鬼之章陶弘景懋
松風之夢寇謙之遇玉女於雲中杜光庭接飛僊於
海上又孰得而端倪之哉大抵崑崙瑤臺多爲假設
之境藥物火候豈有彼我之云秦漢之君不登凡骨
喬松之壽未免遺形是在耽虛味道者神而明之則
庶幾耳撰列仙第二十四凡

列仙一

王 子

蘇 耽

成武丁

王 妙想

魯 妙典

范 儕

鄧 郁

瞿 童

軒轅彌明

緱仙姑

田良逸

羅公遠

何仙姑

率子廉

楚寶列仙論次終

楚寶卷四十一

明 梁谿高世泰彙旃父鑒定

湘潭後學周聖楷輯纂

長沙吳 林較訂

列仙

玉子

玉子者姓章名震南邠人也少好學周幽王徵之不
出乃歎曰人生世間日失一日去生轉遠去死轉近
而但貪富貴不知養性命命盡氣絕則死位爲王侯

金玉如山，何益形爲灰土乎？獨有神仙度世，可以無
窮耳。乃師桑子，具農術，別造一家之法，著道書百
餘篇。其術以務魁爲主，而精於五行之意，演其微妙，
以養性治病，消災散禍，能起飄風，發屋折木，作雷雨，
雲霧能以草芥瓦石爲六畜，熊虎立成，能分形爲數
百千人，能步涉江海，舍水噴之，皆成珠玉，久亦不變。
或時閉氣不息，舉之不起，推之不動，屈之不曲，伸之
不直，或百日數十日，乃起，每與弟子行，合丸泥爲馬，
與之令閉目，須臾成大馬，乘之日得千里，又能吐氣。

五色起數百丈見飛鳥過指之卽降臨淵投符召魚
鱉卽皆上岸又能使弟子舉眼見千里外物亦不能
久也其務魁時以器盛水著兩肘之間噓之水直立
有赤光輝輝起一二丈以此水治病病在內者飲之
在外者浴之立愈後入崆峒山合丹尸解而去

東溪日錄曰道經之初立老子道德五千言而已
安有齋醮科儀符籙召神服氣辟穀調食玉屑燒
煉金丹之術哉其法起于漢張道陵魏寇謙之及
陶弘景葛稚川杜光庭宋徽宗王欽若又撰爲諸

家經咒以偈之也

蘇耽

蘇耽桂陽人少孤事母以孝聞日與羣兒牧牛耽所牧者徘徊馴擾不驅而歸農因號爲牛師嘗乘一白鹿陟險如馳人莫能測侍母食母忽思得魚鮓耽卽去有頃持鮓歸母問所從來曰適自便縣市至便縣去家一百二十里母疑其誑數日後舅氏入罷乃云前在邑見甥市鮓母始駭異一日涕泗跪白母曰耽已成道被命將昇不得終養母歎欵久之曰吾老何以卒歲耽乃括一櫃緘鑰甚固曰凡有缺扣櫃呼

之可立得然慎勿發也。又云。糶人當大疫。可取庭前
非水橋葉食之。卽愈。庶幾所資亦助甘旨。語畢有幢
飾森列。羣鶴隨之。遂昇雲漢而去。明年糶果大疫。母
如言所活無筭。衆疑櫃鑰請啟視。母初不肯。固請發
之。乃有鶴自櫃飛去。後扣無復應矣。母年百餘歲。終
鄉人共葬之。其日人望牛脾山。若有白馬繫林間。遙
聞哭聲。知是眈來。糶守張遜乃率僚屬往吊。因求見
眈。頃之出。半面光彩。炤人。又垂一大手。綠毛長尺餘。
謂守曰。山谷幽遠。日暮難歸。乃手擲杖成橋。令衆閉

目而渡少焉卽抵城有毘僚失盼人馬俱隕但見赤
龍亘空覓路經日乃還三歲哭聲漸止白馬亦不見
後有鶴降毘東樓少年競彈之鶴以爪櫻樓板若漆
書云其辭曰鄉原一別重來事非甲子不記陵谷遷
移白骨蔽野青山舊時翹足高屋下見羣兒我是蘇
仙彈我何爲毘人立祠祀之名集靈觀宋元符三年
詔封冲素真人

水經注曰郴縣黃溪東有馬嶺山高六百餘丈廣
圓四十許里漢末有毘民蘇耽栖遊此山桂陽列

仙傳云耽郴縣人少孤養母至孝言語虛無時人謂之癡嘗與衆兒共牧牛更直爲帥錄牛無散每至耽爲帥牛輒徘徊左右不逐自還衆兒曰汝直牛何道不逐耶耽曰非汝曹所知卽而辭毋云受性應仙當違供養涕泗又曰年將大疫死者畧半穿二井飲水可得無恙果如所言母年百餘歲終鄉人共葬之時聞山上有哭聲甚哀服除乃止後見耽乘白馬還此山中百姓爲立壇祠民安歲登因名爲馬嶺山

聖楷曰蘇耽少以至孝著稱卽其仙去猶周詳子舍之事似不欲仙者故其縞裳白馬號哭來奔風木之恨比人世更傷懷矣予嘗謂忠孝之外別無仙佛豈非然哉按稚川仙傳又載蘇仙名林字子立周武王時人家山東濮陽曲水所稱牧牛取鮓及化鶴事皆同然山東魏邑古今無地名便縣者此皆饜識羽流託名妄撰不足爲據便縣卽今郴州永興縣地古桂陽郡治今郴州故耽爲郴人

成武丁

成武丁桂陽臨武縣人。生有異姿，長身玉立。年十三，不授于師，自知經學。少年大度，不附人。後漢時爲縣小吏，嘗被使京，還過長沙，謁投郵舍，不及，遂宿于野樹下。忽聞樹上人語云：「向長沙市藥平旦視之。」乃二白鶴，丁異之，遂往市見二人，罩白傘相從而行。丁呼之，因爲設食。食訖，便去，曾不顧謝。又隨之行數里，二人顧見，語曰：「子有何求而相隨不止？」丁曰：「僕少出陋賤，聞君有濟生之術，是以侍從耳。」二人相向而笑，遂

出玉函書閱之果有武丁姓名于是與藥二丸令吞服之曰君當得地仙還家未幾聞獸聲鳥鳴悉能通解縣使送餉府君府君周听有知人之鑒見武丁異之乃得在左右久之署爲文學主簿嘗與衆共坐聞羣雀鳴而笑之衆問其故答曰帝東車翻覆米羣雀相呼往食遺視之信然也時魏中寮吏豪族皆怪不應引寒素之人以亂職位府君曰此非卿輩所知也經旬日乃與丁居閣直至年初元會日客三百餘人丁至行酒酒巡徧訖忽以盃酒嚙向東南衆客愕然

丁曰臨武縣火以此救之。良客皆笑。數日後縣令張濟上書稱元日慶集飲酒。晡時火忽延燒廳事。從西北起時天氣清澄。南風極烈。見陣雲自西北直聳而上。徑止縣大雨。火即滅。雨中皆有酒氣。良始服丁蓋非凡人也。後府君爲丁于隄城西立宅。居止二年卒。府君自臨殯之。經兩日有人自臨武來于武昌岡上逢丁。乘白騾西行。問曰日將暮何所之也。答曰暫往迷溪斯須却返。我來時忘大刀在戶側。履在鷄栖上。可過語家人收之。友人至其家聞哭聲大驚。因具述

其語家人云刀履金入棺中那應在外卽以此事往
啟府君府君遂令發棺視之不復見尸棺中唯一青
竹杖長七尺許方知丁託形僊去

何燕泉曰左傳載介葛盧來朝聞牛鳴曰是生三
犧皆用之矣博物志稱稽叔夜以爲無此乃先儒
妄說則是茂先亦不信也列子東方介氏之國其
國人數數解六畜之語蓋僞知之所得太古神聖
之人備知萬物情態悉解異類聲音會而訓之言
血氣不相殊也此言足與茂先辨矣史記秦仲知

百鳥之音與之語皆應謝承後漢書魏尚字文備
高皇帝時爲大史曉鳥語遼史太宗時宗室人名
神速姑者能知蛇語書記所載凡若此類不一而
足豈皆妄語耶成武丁吾邴人神仙傳載其在長
沙異人授之一書遂通天下鳥語獸音然則古人
於此蓋必自有理以知之不然如管如張輩假之
占候亦自有可推者高緯貽略和菟有鳥鳴書一
卷王喬有解鳥語一卷是事也蓋有著之書者矣
不當全不信也

聖楷按翰府名談云白龜年得李太白遺書一卷
曰讀之可辨九天禽語大地獸言又不止此如伯
益陽翁偉楊宣管輅李商張子信孫守榮皆通鳥
語又論語疏載弓冶長辨鳥雀語云啣啣噴噴白
蓮水邊有車覆聚車脚淪泥犢牛折角收之不盡
相呼共啄據此則鳥類中大有能爲韻語者茂先
輩不畏其弄舌嘲人耶

王妙想

王妙想，蒼梧女道士也。辟穀服氣，住黃庭觀。傍朝謁
精誠，想念丹府，由是感通。每至月旦，嘗有光景雲物
之異，重嶂幽壑，人所罕到。妙想未嘗言之于人。如是
歲餘，忽有音樂，遙在半空。虛徐不下，稍久散去。又歲
餘，忽有靈香郁烈，祥雲滿庭。天樂之音，震動林壑。光
燭壇殿，如十月並明。空中作金碧之色，烜燿亂眼。不
可相視。須臾，千乘萬騎，懸空而下。皆乘騏驎，九風龍
鶴，天馬人物，儀衛鼓千人，皆長丈餘，持戈戟兵杖，旌

旒幢蓋良久乃鶴蓋風車導九龍之輦下降壇前有一人羽衣寶冠佩劍曳履昇殿而坐身有五色光赫然羣仙擁從亦數百人妙想卽往視謁大仙評妙想曰吾乃帝舜地司奏汝住此山三十餘歲始終如一守道不邪存念貞神遵稟玄戒汝天骨宿稟復何疑乎吾以歷數旣往魑理此山嘗以久視誓爲之道分命仙官下教于人夫諸天上聖高真大仙慈劫歷不嘗代運流轉陰陽倚伏生死推遷俄爾之間人及陽九百六之會孜孜下教以救于人愈切于世人之求

道也。世人求道若存若亡，繫念存心，百萬中無一人，
勤久者，天真懶俗，嘗在人間隱景化形，隨方開悟，而
千萬人中無一人可教者。古有言曰：修道如初，得道
有餘，多是初勤。中隋前功，併棄耳。道豈負于人哉？汝
布宣我意，廣令開曉也。于是命侍臣以道德二經及
駐景靈丸授之而去。如是一年或三五降于黃庭觀
十年後，妙想白日昇天。茲山以舜修道之所，故曰道
州營道縣。

魯妙典

魯妙典者九嶷山女官也。生卽敏慧高潔，不食葷飲酒，十餘歲卽謂其母曰：旦夕聞食物臭濁，往往鼻腦疼痛，願求不食。舉家憐之，復知服氣餌藥之法。居十年，嘗悒悒不樂，因謂母曰：人之上壽不過百二十年，哀樂日以相害，况女子之身，豈可復埋沒貞性，混于凡俗乎？有麓床道士過之，授以大洞黃庭經，謂曰：黃庭經扶桑大帝君宮中金書誦味萬遍者，得爲神仙。但在勞心不倦耳。居山獨處，咏之一遍，如與十人爲

侶、輒、無、怖、畏、何、者、此、經、召、集、身、中、諸、神、澄、正、神、氣、神、
氣、正、則、外、邪、不、能、干、諸、神、集、則、怖、畏、不、能、及、若、形、全、
神、集、氣、正、心、清、則、徹、見、千、里、之、外、纖、毫、無、隱、矣、所、患、
人、不、能、知、知、之、而、不、能、修、修、之、而、不、能、精、精、之、而、不、
能、久、中、道、而、喪、自、棄、前、功、不、惟、有、玄、科、之、責、亦、將、流、
蕩、生、死、苦、報、無、窮、也、妙、典、奉、戒、受、經、入、九、嶷、山、巖、棲、
靜、默、累、有、魔、試、而、貞、介、不、撓、積、十、餘、年、有、神、人、語、之、
曰、此、山、大、舜、所、理、天、地、之、總、司、九、州、之、宗、主、也、古、有、
高、道、之、士、作、三、處、麓、床、可、以、棲、鹿、鹿、風、雨、宅、形、念、貞、歲、

月既久，旋皆朽敗。今爲制之，可以遂性宴息也。又十
年，真仙下降，授以靈藥，白日昇天。初，妙典居山峯上，
無水，神人化一石盆，大三尺，長四尺，盆中嘗自然有
水，用之不盡。又有大鐵臼，亦神人所送，不知何用。今
金在上仙壇石上，宛然有仙人履迹。又古鏡一面，大
三尺，鐘一口，形如偃月。金、妙典、昇天所留之物，今在
無爲觀。

聖楷按《雲笈七籤》云：妙典，鉄臼，重二百五十斤。延
唐令王翺嘗令人強取藥臼，行未及縣，翺舉家皆

病藥白今在潭州麓山寺中寺中有犯者輒病極
有靈驗

范儕

范儕道士自言巴東人少遊荆土多盤桓枝江縣界惡衣糲食蕭散自得言來事多驗而辭不可詳人心欲見歛然而對貌言尋求終弗遇也雖逕跨諸洲而舟人未嘗見其濟涉後東遊廣陵卒于彼土初儕在枝江縣東南三十里富城洲上無定止處宿憇一小菴而已弟子慕之於其昔遊共立精舍以存其人洞仙傳曰儕住百里洲臨日噓漱頂有五色光起冬夏惟單布衣桓溫時頭已班白至宋元嘉中入

見之如舊。宋文帝嘗召見儕，荅詔稱我或稱吾。元
克初爲太子，儕從東宮。過指宮門曰：此中有博勞
身，奈何？養賊不知。文帝惡之，勅儕自盡，埋于新亭。
赤岸岡。旣而發視，惟空棺。越明年，弟子陳忠夜起，
忽見光，叩堂。貢之。儕入門，就榻坐。又一老翁後
至，儕起迎之。忠問是誰，儕笑曰：吾已俱出門。顧
語忠曰：比復還東。卿善護我宅，卽百里洲也。按
傳，儕作射。今從水經注。又七籤云：劉凝之爲射作
傳錄置道書部，不傳于世。

鄧郁

南嶽鄧先生名郁，荊州建平人也。少而不仕，隱居衡山極峻之嶺，立小板屋兩間，足不下山，斷穀三十餘載。唯以澗水服，雲母屑，日夜誦大洞經，祭武帝敬信。殊篤爲帝，合丹帝不敢服，起五嶽樓貯之，供養道家。吉日躬往禮拜，白日神仙魏夫人忽來臨降，乘雲而至。從少姬三十，金著絳紫羅繡，袿褕年皆可十七八。許色艷桃李，質勝瓊瑤，言語良久，謂郁曰：君有仙分，所以故來尋當相候。至天監十四年，忽見二青鳥，悉

如鶴大鼓翼鳴舞移晷方去謂弟子等曰求之甚勞
得之甚逸○近青島既來期會至矣○少日無病而終山
內唯聞香氣世未嘗有武帝後令周舍爲鄧玄傳具
序其事

聖楷按衡山嶽志與長沙府志又載鄧郁之與徐
靈期爲友云卽鄧郁子梁武帝詔郁之于岳麓山
置上中下三觀爲修煉所此蓋羽流訛傳而修志
者又無學力以訂正之耳豈有父名郁而子名郁
之者其道書可笑如此類甚多

瞿童

瞿童字伯庭年十四太和未散嗜慾不入傲然懷厭世之志大曆四年庚寅歲自辰溪來稽首桃花觀黃洞元仙師字下願蔭道域厠役隸賤末位仙師許之雜處童孺給侍甚謹在醜不弄率性恭默每旦慕仙師焚修朝拜如臨君父如是者積二三歲不衰或往往獨行入谿洞中根究深處信宿方返仙師讓之輒云偶造佳地遭遇神聖觀雲氣草木屋宇飲食使人澹然忘情不樂故處因求願偕往仙師曰靈仙之府

必在左右。然尚幼小。謂所至之地。不卽爾也。無何有丹砂之役。後領至襄陽市。闔閭之下。齊人浩擾。則瞑目。不視神氣。醉泥。返至。逆旅。通宵。而後醒。問其故。捧手對曰。太樸散壞者久矣。今之人。圓冠方屨。以詐相尚。以利相市。余所不堪。方大駭其說。不敢以嘗僕役之。其後數以前事。詣仙師。亦有意暗逝。屬暑雨。壞道不得果去。八年癸丑夏五月甲辰晦。正衣服。拜訣于戶外。自言靈期逼近。難可留止。請自是往。至日月合于鶉首。復近于茲地焉。庭際有大栗樹。遠人不過數

何遂背行冉冉從樹旁滅沒化去有聲遙然如風飄
雷震云貞元元年八月符載乃爲作記

聖楷曰按瞿伯庭自幼慧異故稱瞿童大曆間奉
母避寇入武陵師事黃洞源得其術或云幼時因
戲跳入井中後自大酉華妙洞中出依善卷壇修
真功成遷桃川宮久之世傳仙去刺史溫造刻石
紀其事與符載所記又不同大抵黃洞元之有瞿
童繇陶貞白之有桓先生也神仙信不可測如此
哉

軒轅彌明

軒轅彌明者不知何許人在衡湘間來往九十餘年善捕逐鬼物能囚拘蛟螭虎豺人莫知其壽進士劉師服嘗于湘南遇之元和七年壬辰十二月四日將自衡山遊太白過京師與師服相值師服招其止宿有校書郎侯喜新有詩名擁鑪夜坐與劉說詩彌明在其側貌極醜白鬢黑面長頸而高結喉又作楚語喜視之若無人彌明忽掀衣張眉指壺中石鼎謂喜曰子云能詩與我賦此乎師服以衡湘舊識見其老

頗貌敬之，不知有文也。聞此說大喜，卽援筆而題其首兩句曰：巧匠琢山骨，剗中事煎烹。次傳與喜，踊躍而綴其下曰：外苞乾薛文，中有暗浪驚。題訖吟之，彌明啞然笑曰：子詩如是而已乎？卽袖手竦肩倚北墻坐，謂劉曰：吾不解世俗書，子爲吾書之。因高吟曰：龍頭縮首蠢豕腹，脹彭亨初不似經意。詩旨有譏於喜，二子相顧慙駭然，欲以多窮之。卽賦兩句以授喜曰：大若烈士膽圓如戰馬，纓喜又成兩句曰：在冷足自安，遭焚意彌貞。彌明又令師服書曰：秋瓜未落蒂。

凍芋彊抽萌師服又吟曰磨礱去圭角浸潤著光精
訖又投喜思亦苦務欲歷彌明每營度欲出口吻吟
聲益悲操筆欲書將下復止亦竟不能奇曰旁有雙
耳穿上爲狐髻捧吟竟彌明曰時於蚯蚓窾微作蒼
蠅聲其不用意如初所言益奇語皆侵二子夜將闌
二子起謝曰尊師非嘗人也某等伏矣願爲弟子不
敢更論詩彌明奮曰不然此章不可以不成也謂劉
曰把筆把筆吾與汝就之耶又連唱曰何當出灰地
無計離竈巽謬居鼎彝間長使水火爭形模婦女笑

度量兒童。輕徒爾堅貞性。不過升合盛靈。依暖熱。繁不與寒涼。并忽權。愆實責任。使誠陋質。荷斟酌。狹褻愧提攀。豈能煮仙藥。但未汗牟羨。區區徒自效。瓊瓊安足呈。難逢俎豆用。不爲手所授。願君勿嘲諷。此物方施行。師服書訖。即使讀之畢。謂二子曰。子皆不足與語。此靈爲文耶。吾就子所能而作。且非吾之所學於師而能者也。吾所能者。子皆不足以問也。豈獨文乎哉。吾閉口矣。二子大懼。皆起立。求下拜。曰。不敢。他有問也。願一言而已。先生稱不解。人問書敢問。

解何書也。請問此而已。累問不應。二子不自得。卽退。就坐。彌明倚牆睡。鼻息如雷。鳴。二子但恐失色。不敢。喘息。斯須。曙。鼓。擘。擘。二子亦困。遂坐睡。及覺。驚。顧。已。失。彌明所在。問童子。奴曰。天且明。道士起。出門。若便。旋然。久不返。覓之。已不見矣。二子驚惋。自責。因携詩。詣昌黎。韓愈。問此何人也。愈曰。余聞有隱君子。彌明。豈其人耶。遂爲石鼎聯句。序行于世焉。

通考曰。淳熙四年。靜江守臣張栻。謂臣所領州。有唐帝祠。去城二十里。而近其山曰堯山。高廣爲一。

境之望祠雖不詳所始然有唐衡嶽道士彌明詩
刻卽知其來舊矣

桂林風土記曰堯山在府東北隔大江與舜祠相
望山有廟絕靈四時公私饗奠不絕相傳爲秦時
建有唐軒轅彌明謁堯帝廟詩

聖楷曰仙傳拾遺有彌明傳全用韓退之語今姑
存之侯喜雖見絕于彌明然攷其人猶有可取退
之與陸祠部書云有侯喜者家在開元中衣冠而
朝者兄弟五六人及喜之父仕不達棄官而歸喜

政自承青學士左遷榕州師事于姑姑謂政曰此後
四海多難人間不可久居吾將隱九嶷矣一旦遂去
聖楷曰南嶽魏夫人任城人名華存字賢安晉司
徒魏舒之女也幼而好道常欲別居閉處父母不
許年二十四方適太保椽南陽劉文字幼彥生二
子長曰璞次曰遐幼彥後爲修武令夫人心期幽
霧精誠彌篤二子粗立乃離隔屋宇齊于別寢將
逾三月忽感太極諸仙真下降授以丹經其後幼
彥物故天下菴亂夫人攜二子渡江仕宦凡在世

八十三、年始、託劍、化形、去入、陽條、山昇、天授、夫人、
位爲、紫虛、元君、領上、真司、命南、嶽夫、人比、秩仙、公、
據此、則夫、人未、嘗修、道于、衡山、所謂、仙聖、者或、因、
夫、人治、南嶽、而特、表示、其靈、異耳、今璽、在黃、庭觀、
前亦、無他、異、

田良逸

附蔣舍人

南嶽道士田良逸，唐元和中，與蔣舍人弘皆道業絕高，遠近欽敬。時號田蔣，田以虛無爲心，和煦待物，不事浮飾，而天格清峻，人見者褊恡盡去。侍郎呂渭、楊兗相繼廉問，湖南皆北面師事。潭州大旱，祈雨不獲，或請邀致。楊曰：田先生豈爲人祈雨者耶？不得已，迎之。先生蓬首弊服，欣然就車。到罷，亦終無言。即日雨降。所居岳觀，建黃籙壇場，法具已陳列，而天陰晦。弟子請祈晴，田亦無言。竿幘垂髮而坐，及行齋，左右代整。

冠履扶升壇天卽開霧嘗有村姥持碧納襦以奉對
衆便服之坐者竊笑不以介意楊嘗迎至潭州田方
跣足使至乘小舟便行侍者以履襪追及于衙門卽
坐階砌者禮儀若無人楊再拜亦不止之時喜飲酒
而言不及吉凶是非及楊自京尹謫臨賀尉使侯田
遺銀器受之便悉付門人作法會使還曰報汝阿耶
勿深憂也未幾量移杭州長史未嘗干人人至亦不
迎性不多記人官位姓名與呂淵分最深後郎中呂
溫刺衡州因來謁之左右先告以使君是侍郎之子

及温入下床拊其背曰你是呂涓兒子耶温泣然降
階田亦不止其貞朴如此母爲喜王寺尼尼衆皆呼
先生小師嘗曰負薪兩束奉母或有故不及往卽弟
子代送之或傳寺尼早起見一虎在田媪門外忸因
以告媪曰止應是小師使送柴來不足畏也蔣君混
元之罷雖不及田而修持趣尙亦相類兄事于田號
爲莫逆蔣始善符術自晦其道入莫之知後居九真
觀會命弟子至縣市齋物不及期遣詰其故云于山
口見一巨獸當路良久不去以故遲滯蔣曰我在此

庇伊已多時何敢如是卽以一符置所見處明日黜
踏符下蔣聞之曰我本以符却之使其不來豈知不
能自脫旣以害物安用術爲取符本焚之自此絕不
復留意

羅公遠

羅公遠本鄂州人善隱形散景之術玄宗欲從而學焉對曰陛下玉書金格已簡于九清矣真人降化保國安人誠宜習唐虞之無爲繼文景之儉約却寶劍而不御棄名馬而不乘豈可以萬乘之尊四海之貴宗廟之重社稷之大而輕徇小術爲戲翫之事乎若盡臣術必懷璽入人家困于魚服矣玄宗強之終不肯盡其術試自隱嘗餘衣帶及公遠共試則驗瘳賜金帛然卒不得帝怒褻以幘壓殺之數日有中使者

自蜀還逢公遠駕而西笑曰上爲戲何害也仍以蜀
當。魑。爲。寄。天。寶。末。玄。宗。幸。蜀。還。京。始。悟。其。意。云。

聖楷曰仙傳載公遠與玄宗遊月宮傳霓裳羽衣
之曲乃妄說耳按唐書河西節度使楊敬忠獻霓
裳羽衣曲十二遍凡曲終必遽唯霓裳羽衣曲將
畢引聲益緩此非從月宮中來也故不錄且唐書
方伎傳公遠作思遠雲笈七籤又以公遠方遠爲
二人相傳錯繆若此神仙果足信乎

何仙姑

何仙姑零陵市人女也年十四五夢神人教食雲母粉可得輕身不死後遇呂純陽以一桃與之僅食其半自是不饑頗能談休咎老而解化

東軒筆錄曰永州有何氏女幼遇異人與桃食之遂不饑無漏自是能逆知人禍福鄉人神之爲構樓以居世謂之何仙姑士大夫之好奇者多謁之以問休咎王達爲湖北運使巡至永州召于舟中留數日是時魏綰知潭州與達不叶因奏達在永

州取。無。夫。婦。人。阿。何。於。舟。中。止。宿。
又。曰。潭。州。人。士。夏。鈞。罷。官。過。采。州。謁。何。仙。姑。而。問。
曰。世。人。多。言。呂。先。生。今。安。在。何。笑。曰。今。日。在。潭。州。
興。化。寺。設。齋。鈞。專。記。之。到。潭。日。首。于。興。化。寺。取。齋。
曆。視。之。其。日。果。有。華。州。回。客。設。供。

聖。楷。按。仙。傳。云。呂。崑。字。洞。賓。世。爲。河。中。府。人。舉。進。
士。不。第。初。遇。火。龍。真。人。後。遇。鍾。離。雲。房。六。十。四。歲。
始。得。道。及。宋。時。化。迹。始。著。多。遊。鄂。岳。湖。湘。間。其。度。
何。仙。姑。事。傳。說。亦。多。不。一。王。元。美。云。攷。之。野。史。謂。

仙姑晚而枯瘦其言休咎亦不甚驗又趙道一仙
鑑則謂純陽所度者趙姑名何者也有仙姑何姓
者開元中羽化去合在純陽前未知孰是今姑從
首善時傳楷闕國朝嘉隆間潞州觀國山有女
真苟瑞仙者修道山之赤霞洞初田間婦耳遇一
媪啖以異草遂絕火食其後冰心朗徹洞明教典
發言奇中不可枚舉嘉靖末遣使者下尺一敦請
之不至微示以攀髯之兆次年龍馭上賓卒如其
言後年近百歲尸解而去此亦仙姑之類也不可

謂世遂無其人。

率子廉

率子廉，衡山農夫也。愚朴不遜，農謂之率。牛晚隸南嶽，觀爲道士。觀西南七里，有紫虛閣，故魏夫人壇也。道士以荒寂，莫肯居者。惟子廉樂居之，端默而已。人莫見其所爲，然頗嗜酒，往往醉臥山林間。雖大風雨，至不知虎狼過其前，亦莫害也。故禮部侍郎王公祐出守長沙，奉詔禱南嶽，訪魏夫人壇。子廉方醉，不能起，直視公曰：村道士愛酒，不能嘗，得得輒徑醉。官人怒之，公察其異，載與俱歸。居月餘，落漠無所言，復送。

還山曰尊師韜光內映老夫所不測也當以詩奉贈
既而忘之一日晝寢夢子廉來索詩乃作二絕句書
板置閣上宸道士驚曰率牛何以得此太平興國五
年六月十七日忽使謂觀中人曰吾將有所適閣不
可無人當速遣繼我者宸道士自得王公詩稍異之
矣及是驚曰天暑如此率牛安往狼狽往視則死矣
宸始大異之曰率牛乃知死日也葬之嶽下未幾有
南臺寺僧守澄自京師還見子廉南薰門外神氣清
逸守澄問何故出山笑曰閑遊耳寄書與山中人澄

歸乃知其死驗其書則死日也發其塚杖屨而已
東坡居士曰士中有所挾雖小技不輕出也況至
人乎至人固不可得識至人者豈易得哉王公非
得道不能知率牛之異也居士嘗作三槐堂記意
謂公非獨慶流其子孫庶幾身得道者及見率子
廉事益信其然公詩不見全篇書以遺其曾孫輩
使求之家集而補之或刻石置紫虛閣上云

張三丰

張三丰一名玄玄始不知何許人洪武初入武當山
修煉丰姿魁偉美髯如戟寒暑惟衣一衲或處窮寂
或遊市井浩浩自如傍若無人時呼爲張邈邈有問
之者終日不答一語或與論三教經書則吐辭袞袞
皆本道德忠孝每事來輒先知之所啖斗升輒盡或
辟穀數月自若也登山其行如飛或隆冬臥雪中齧
齏如常時既入武當往來天柱五龍南巖紫霄諸名
勝洪武十四年辛酉道士丘玄清從爲弟子三丰使

居五龍自結草菴於展旗峯北。洪武二十三年庚午，忽拂袖長往，不知所在。上遣三山道士請三丰造朝，了不可覓。乃召丘玄清至，與語悅之，拜監察御史，賜之室，辭不受。超擢太常卿。

陳建按雙槐歲抄記云：璫枝玉樹屬仙家，未識人間有此花。清致不沾凡雨露，高標猶帶古爐霞。年旣久，何曾老。舉世無雙，莫浪誇。便欲載回天上，去擬從博望，借霧槎。此詩三丰避老詠揚州瓊花，以自况也。永樂初，文廟復使致書求之，書函云。

皇帝敬奉書真仙張先生足下全文亦見雙槐歲抄
仍命給事中胡濙徧往物色之不能得粵濱逸史
曰語云神仙有無何杳茫天下豈有仙人盡妖妄
耳今觀國初周顛仙及張三丰之率則又歷歷皆
實有不可盡以爲誣者要之天地間自有一種仙
風道骨但仙凡路隔不可力致而強爲也

聖楷按今武當山有遇真宮爲三丰道人名也其
東廡有道人像道人初築淨室于茲地曰是不久
當顯俄而棄去至 又皇帝時遣使奉書招之凡

十餘年不得乃爲之像又贈以眞人誥今所奉書
及誥猶存宮中

冷謙

冷謙字啓敬，武陵人，號龍陽子。元中統初，與劉秉忠從沙門海雲游博學，精于易，尤深邵學及百家方術。靡不洞習。至元間，秉忠爲相，謙乃棄釋，從儒居雪川。交趙孟頫，嘗於四明故相史彌遠家觀李思訓畫，因契之。遂善繪，後隸淮揚，遇異人授中黃大丹，傳張氏契真旨。迨至正間，年百餘歲，貌渥如童。避亂金陵，坐肆市藥。國初，仕爲太常博士，考定樂律。會京邸主人貧，數求賑于謙。一日，卽邸壁畫爲門，一鶴守之，語

館人曰第入可得富然毋多取毋有所遺館人叩門
入見金寶珍貝充物如山恣意揀取因而遺謙所泉
引文旬日內帑守者告失物持引爲證上命逮館
人及謙謙就逮語逮者曰我能遜能飛桁楊桎梏不
能制我須以大甕貯我我乃得赴上前逮者如其
言取一甕置庭中謙以脚插入良久身盡入甕端坐
其間明日視之甕空矣逮者懼甚從甕口呼謙謙輒
應比昇甕至上前白其事上親呼謙謙應上
曰朕赦汝汝空出見固不出上怒命左右碎甕凡

百餘片片而呼之而無不應也竟逸不復可得
聖楷曰謙初與三丰道人相厚善嘗于至元六年
六月六日作仙奕圖以遺三丰邈老其圖作奇巒
異沼林木室宇種種軒特屋內爲仙奕沼中荷花
正豔發羣仙妹游採其傍迨永樂二年四月三丰
手題此圖贈于太師淇國丘公中有云天朝維新
君有畫鶴之誣隱壁仙逝又云方將訪君于十洲
三島恐後人不識奇仙異筆混之凡流故識此按
畫鶴事三丰以爲誣豈內帑守者因謙多異蹟而

因○挾○其○館○人○以○爲○奇○貨○耶○謙○眞○得○道○人○不○應○有○妄○
取○御○幣○之○事○高○識○自○能○辨○之○

楚寶出世間品叙

五濁閻浮三塗禰處。本是苦集衆生造業受報之地。每日醉夢之餘。幾人爲君父著念。幾人向心性回頭。癡者求田問舍。數米秤鹽。豪者鮮衣怒馬。呼盧博塞。曠者談碁。染翰雅歌。投壺困者。尋行數罅。字櫛句比。韻者嘲風弄月。綺語淫辭。黠者設策舞文。占星說劍。甚至朝思暮營。皆成禍事。揚眉舉步。悉是殺機。滿世界內。無非業海。以故貧賤。殊亾酬之。而不盡。水火。疫厲。收之。而不盡。饑饉。刀兵。芟之。而不盡。雖然。江河日

下所不徧化爲異物不頓壞諸劫灰者則賴有菩提
種子隱現出沒於塵氛垢穢之間故佛法興揚之時
人薰習而性多善佛法衰微之際人迷溺而性多頑
蓋孔氏生于東土而知西方有聖人焉其出現之時
同也孔氏沒而大道無傳于是儒教所不盡攝者而
別懸佛教以廣攝之又梵語所不能通者而復借文
字以旁通之分身顯化事同一家謂以孔翼釋也可
謂以釋翼孔也亦可究竟儒之教寬其入人也淺佛
之教嚴其入人也深學儒者假天爵以要人爵學佛

者○舍○人○爵○而○修○天○爵○其○功○行○固○自○殊○矣○儒○者○尊○堯○舜○伊○周○爲○人○之○至○而○不○審○堯○舜○伊○周○何○所○自○來○是○猶○秉○炬○炳○而○昧○太○陽○食○稻○粱○而○忘○稼○穡○烏○得○爲○通○儒○乎○子○友○伯○孔○楚○書○一○集○旣○括○世○間○之○寶○而○更○搜○出○世○間○之○寶○分○爲○名○釋○祖○燈○二○部○上○以○闡○揚○正○法○下○以○引○導○羣○生○厥○功○不○小○予○見○而○首○肯○之○竊○意○能○推○食○與○人○者○嘗○饑○者○也○予○素○號○閹○提○得○此○味○深○恨○其○晚○故○敢○正○告○夫○聰○明○之○士○文○章○勳○業○之○雄○若○不○從○這○裏○過○棄○自○家○珍○數○他○人○寶○貪○一○粒○米○失○萬○年○糧○與○醉○夢○中○人○何○異○語

云讀出師表而不流涕者其人必不忠讀陳情篇而
不流涕者其人必不孝子謂見是編而置之高閣不
能把玩流連者其人之菩提種子埋沒深厚否甚危
之否甚危之西岑道人黃裳吉謹識

楚寶出世間品論次

蓋自七佛授偈而迦文獨以其教傳於中國故爾紫
金瑞像殿陛飛行白馬精藍山雲割秀蓮花貝葉之
藏旁行半滿之字頓踞六經而上也然而終漢之代
皆賴天竺沙門薰修器鉢中國之人尙未有披削者
洎乎魏晉始依佛戒剃髮爲僧而龍象蹴踏逼區宇
矣太和中常山釋道安以梵僧所譯維摩法華未盡
深旨精思十年心了神悟乃悉正其乖舛於是分遣
弟子各詣諸方宣佛微妙而安獨與慧遠等四百餘

人之襄陽檀溪寺住焉嗣是東方聖徒南國衣傳思
大振錫於衡嶺忍祖授鉢於黃梅楚之宗風在唐宋
時爲最著也予向者欲擇觀音石頭二大師法嗣爲
南嶽燈今則稍異規裁專繫之楚凡生於楚而出世
於楚者若干人生於楚而出世於他方者若干人生
於他方而出世於楚者若干人其或遊方於楚得法
於楚雖附於篇姑存梗畧原夫置身雲漢坐斷三界
混迹市廛心超萬有非同土著之民可循吟而得也
述出世間品第二十五首叙教律二門與應化聖賢

爲名釋次叙直指一宗爲祖燈凡四卷

名釋一

釋道安

釋法遇

釋慧安

南嶽思

天台智

釋法聰

釋淨業

千歲寶掌

懶殘

彌陀遠

東林怡

中院操

大明聞

雲峯證

湘潭儼

般舟悟

龍安海

無姓和尚

龍興顯

衡嶽雲

湖南二居士

祖燈一

四祖信

五祖忍

玉泉秀

嵩嶽安

五臺方

荷澤會

南嶽讓

石頭遷

大梅崇

湖南會

西園藏

華林覺

龍山和尚

龐居士

長沙岑

祖燈二

潯山祐

藥山儼

長鬚曠

慧朗

天皇悟

雲巖晟

道吾智

高沙彌

龍潭信

石室道

德山鑒

石霜諸

清平遵

夾山會

巖頭燾

祖燈三

洛浦安

育王通

寶聞勁

藏奩化

石門蘊

神鼎護

趙圓明

芭蕉泉

雲峯悅

龍牙遁

欽山邃

南臺安

雲蓋清

太陽玄

玉泉皓

三
三
一
蔣山慧

雲蓋智

白雲端

五祖演

上封心

文殊道

九峯學

楚寶出世間品終